

Broj:108-12/19
Datum: 11.12.2019.

ZAPISNIK
sa II sjednice LEF-a u mandatu 2019. – 2022.

Sjednica je održana u srijedu, 11.12.2019. godine sa početkom u 14:00 sati.

Sjednici su prisustvovali:

1. Direktorica Razvojne agencije Žepče Branka Janko
2. Pomoćnik načelnika za gospodarstvo i financije Namik Maličbegović
3. Pomoćnik/ca načelnika za graditeljstvo i prostorno uređenje, Brigita Lovrić
4. Pomoćnik direktora SMSŠ „Žepče“ Nedim Mehić
5. Ravnateljica TOŠ KŠC „Don Bosco“ Žepče Dubravka Jukić
6. Direktor JP Komunalno d.o.o Žepče Mirko Šumić
7. Šefica Biroa rada Žepče, Biljana Šišić
8. K-Projekt“ d.o.o Žepče, Nikola Borovac
9. „LS – ECON“ d.o.o Žepče, Sabina Spahić
10. „Napredak promet“ d.o.o Žepče, Marko Filipović
11. „Marić Projekti“ d.o.o Žepče, Sanja Kelavić
12. „Velbos“ d.o.o, Almir Šečić
13. Tisa Komerc d.o.o Žepče, Nagib Mujkić
14. Berina Grahić – Mudželet, stručni saradnik u RAŽ-u

Za sjednicu je predviđen, a potom i usvojen dnevni red kako slijedi:

1. Usvajanje zapisnika sa prethodne sjednice
2. Nacrt proračuna Općine Žepče za 2020. godinu
3. Izvještaj o implementaciji Akcionog plana Strategije razvoja Općine Žepče za 2019.
4. Informacije o djelokrugu rada Službe za graditeljstvo i prostorno uređenje
5. Informacija o djelokrugu rada Razvojne agencije Žepče
6. Informacija o djelokrugu rada JP Komunalno d.o.o Žepče
7. Najava godišnjeg anketiranja MSP
8. Lokalne inicijative – prijedlozi
9. Razno

Dnevni red usvojen je jednoglasno

Ad 1

Zapisnik sa prethodne sjednice usvojen je jednoglasno.

Ad 2

Namik Maličbegović obrazlaže Nacrt budžet Općine Žepče za 2020. godinu, pojašnjavajući strukturu prihoda i rashoda.

Otvorena je diskusija. Nikola Borovac (K-Projekt d.o.o Žepče) postavlja pitanje u vezi sa sredstvima za poticanje privrede. Namik Maličbegović odgovara da Općina Žepče nastavlja sa projektima poticanja samozapošljavanja i poticanja privrede, samostalno i u suradnji sa stranim donatorima. Nagib Mujkić (Tisa Komerc), postavlja pitanje u vezi sa razvojnim projektima. Namik Maličbegović odgovara da će se u narednom periodu raditi na ulaganjima u poslovne zone. Sabina Spahić (LS Econ) pohvaljuje način prezentacije. Rasprava se zatvara a LEF donosi preporuku da Općinsko vijeće Žepče usvoji predloženi prijedlog budžeta za 2020. godinu

Ad 3

Izveštaj o implementaciji akcionog plana Strategije razvoja Općine Žepče za 2019. godinu prezentira Jugoslav Sarajlić. Navodi da je planom predviđeno 52 projekta te ističe visok stepen implementacije razvojnih projekata. Otvorena je diskusije. Sabina Spahić napominje da su jednako važni i infrastrukturni projekti koji imaju društveni značaj te potiče angažman lokalne privrede u njihovoj implementaciji.

Ad4

Brigita Lovrić informira privrednike o projektima i aktivnostima na kojima radi Služba za graditeljstvo i prostorno uređenje. Ističe projekt adresnog registra, projekt navodnjavanja poljoprivrednog zemljišta uz obalu rijeke Bosne te izradu planske dokumentacije za „Novo Žepče“. Također izvještava o toku izgradnje nove osnovne škole u Žepču. Napominje da je usvojen regulacioni plan Novog Žepča i Poslovne zone Radovlje. Ističe na Služba radi i na eksproprijaciji zemljišta u svrhu gradnje Koridora VC. Započinje gradnja hidrocentrale na rijeci Bosni. Napominje da je Služba aktivno radila na projektu popločavanja područja oko Doma kulture te na izgradnji obaloutvrde na rijeci Bosni. Informacija je primljena k znanju.

Ad5

Namik Maličbegović izvještava o aktivnostima Službe. Pored pripreme budžeta, Služba provodi Odluku o komunalnoj taksi koja se odnosi na domaćinstva te radi na pripremi Odluke o komunalnoj taksi i Odluke o sigurnosti prometa. Također izvještava o projektu izgradnje saobraćajnice uz željezničku prugu. Sabina Spahić navodi da se klijenti žale na nesrazmjer u plaćanju komunalne takse te predlaže da se Odluka da LEF-u na razmatranje prije donošenja. Nagib Mujkić predlaže da se prilikom obilježavanja ulica a u kontekstu projekta izrade adresnog registra primijeni njemački model – izgradnja stubova na raskrsnicama.

Ad6

Aktivnosti RAŽ-a prezentirala je Branka Janko. Predstavila je aktuelne projekte i najavljene javne pozive. Nagib Mujkić predlaže da se intenzivira saradnja sa privrednicima kroz posjete te da se na taj način osigura bolja komunikacija.

Ad7

Informaciju o aktualnim projektima JP Komunalno prezentirao je Mirko Šumić. Izvještava o gradnji pretovarne stanice za otpad. Najavljuje nekoliko projekata: pokrivanje pretovarne stanice, izgradnju sortirnice otpada. Prostor za kotlovnice kupila je Općina Žepče čime se smanjuju troškovi grijanja odnosno preduzeće izlazi iz zakupa trenutne kotlovnice. Nikola Borovac postavlja pitanje u vezi sa odvozom krutog otpada. Mirko Šumić navodi da se odvoz krutog otpada vrši u terminima koji se unaprijed najavljuju a da Općina treba odrediti lokaciju za odlaganje građevinskog otpada. Namik Maličbegović informira da Općina

planira implementaciju više projekata iz oblasti zaštite okoliša posebno u segmentu odlaganja medicinskog i hemijskog otpada.

Almir Šečić (Velbos d.o.o) ističe da je potrebno razmisliti o povećanju broja korisnika odvoza otpada te grijanja što će biti moguće izgradnjom nove kotlovnice.

Ad8

Otvorena je mogućnost kandidiranja lokalnih inicijativa.

Nedim Mehić (SMSŠ „Žepče“ ističe problem parkiranja u vrijeme praznika. Napominje da je potrebno odrediti alternativni parking radi velike koncentracije vozila u vrijeme praznika koja predstavljaju opasnost za učenike Srednje mješovite škole „Žepče“.

Nikola Borovac predlaže da se na narednom sastanku LEF izvijesti o radnoj snazi u Općini Žepče.

Nagib Mujkić predlaže postavljanje oznake za skretanje u Donju Golubinju.

Predlaže da se provode aktivnosti na izgradnji trafo stanice za Poslovnu zonu Donja Golubinja zbog čega se smanjuju investicije na ovom području.

Sastanak završava u 16:30

Zapisnik vodila
Berina Grahić – Mudželet

Predsjednik LEF-a
Namik Maličbegović